



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

XXVIII. Markgraf Otto II. schenkt dem Domcapitel das Dorf Reinoldsdorf (Plötzin) 1187.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

mus, alias idonea persona ab eis libere assumatur. Sancimus etiam, ut archidiaconatum episcopatus totius videlicet terre de Havela versus orientem usque Oderam, item versus occidentem usque ad aquam, que Yla dicitur, dilectus filius noster Henricus, qui in presentiarum Brandeburch prepositus habetur, et sui successores indivisum et indiminutum perpetua stabilitate optineant. Preterea confirmamus ei et successoribus suis bannum de subscriptis Buchwardis, scilicet Scartowe, Mokerne, Loyburch, excepta ecclesia Dalechowe, Buchowe, Gorckeke, Ridicce, Wisenburch, Beltitz, Nimich, Jüterbuch, Dame; item curam animarum urbis Brandeburch, que eos jure episcopalis sedis contingit et episcopus Wilmarus, cum eos in eam transponeret, eis concessit suosque successor Sifridus episcopus eis recognovit et concessit, et nos etiam recognoscimus et stabilimus. Item decernimus, ut ecclesia Sancti Nicolai in Borch, que est filia matricis ecclesie Sancte Marie in eadem villa Borch, sicut hactenus ad archidiaconatum Brandeburch pertinuit, sic de cetero pertineat et ut nullus eam ab eodem banno separet, auctoritate nostra et banni nostri interdicto prohibemus. Notum etiam esse volumus, quod curam animarum de ecclesiis, que ad usum predictorum fratrum pertinent vel in futurum adhuc nostra, deo volente, et aliorum donatione pertinebunt, Henrico preposito et suis successoribus in perpetuum concessimus. Ecclesiam etiam Verchiezere, in burgwardo nostro Prizerwe sitam, cum capella Marzane ei attinente, decimam quoque ville Plufezin, super Zucham site, quam Sifridus Burchgravius pro anima patris sui nobis resignavit, in usus eorundem fratrum dedimus: quam villam idem Burchgravius marchioni Ottoni resignavit, qui eam pro anima patris et matris sue cum omnibus attinentiis in usus predictorum fratrum contradidit. Hec et alia bona, tam a predecessoribus meis episcopis quam a principibus et aliis fidelibus ecclesie Brandenburgensi collata et ipsorum episcoporum et gloriosi imperatoris Fritherici privilegiis firmata, nos quoque auctoritate patris et filii et spiritus sancti presenti scripto et sigilli nostri impressione firmamus. Si quis hanc nostram confirmationem temere infregerit vel mutaverit, si ammonitus non respuerit, condigne pene hic et in futuro subiaceat. Fiat, fiat. Amen. Hujus rei testes sunt Henricus, ejusdem ecclesie prepositus et archidiaconus, Riquinus, prior, Winandus, cellerarius, totusque conventus, Baldewinus in Gorckeke, Otto in Trachewitz, Marfilius in Roschouwe, Hermannus in Nauwen sacerdotes; Otto, ejusdem urbis marchio, fratresque sui, Henricus scilicet, comes in Gardelege, Albertus in Arneburch, Sifridus, Burchgravius, Johannes de Plote, Burchardus de Plozeke, Conradus in Lindowe, Otto, Rudolfus, Gero, Theodoricus, Bartholomeus. Acta sunt autem hec in urbe Brandeburch, anno dominice incarnationis M^o. C^o. LXXXVI^o. indictione IIII. epacta XXVIII. concurrente II.

Nach dem Originale.

XXVIII. Markgraf Otto II. schenkt dem Domecapitel das Dorf Reinoldsdorf (Pöylin) 1187.

— Secundus Otto, marchio Brandenburgensis, et frater ejus, comes Hinricus de Gardelegen, que bene et rationabiliter ad honorem Sancti Petri in Brandenburg, nec non ad utilitatem fratrum in eadem ecclesia militantium, facta sunt, ut rata et inconversa permaneant, auctoritate nostra confirmamus. Considerantes autem, ex largitate elemosynarum salutem animarum plerumque consistere, villam Reinoldstorp, in terminis provincie, que Zucha nuncupatur, ob nostri me-

moriam et parentum nostrorum apud eosdem fratres in perpetuum habendam eidem ecclesie tradidimus ex consensu et voluntaria collaudatione legitimorum nostrorum heredum. Quod ut immutandi omnibus posteris nostris auferamus occasionem, scripto commendari et sigilli nostri impressione corroborari precipimus, legitimam facientes exfestucationem; orationum autem, que pro hac impensa apud eosdem fratres sunt elemosina, particeps esse volens, illo tempore in eodem burgo comes Sifridus honeste et disciplinate juventutis, que fructuosam polliceri solet etatem, pretaxatam villam, quomodo eam de manibus principum prenominatorum jure tenebat feudali, ipsis principibus resignavit et ita principes proprietatem suam, ipse quoque burggravius omnem usum ville forinfecus et intrinfecus et cum omnibus attinentiis predictae contulerunt ecclesie, similiter ad burggravi et parentum suorum memoriam apud eos perpetualiter habendam, ita tamen, ut advocatia in eum et in suos legitimos heredes revertatur. Ex edicto quoque et institutione tam principum quam ipsius comitis burgi, quorum parentes primo terminos ejusdem ecclesie sicut et filii secundo multa sanguinis aspersione gentilium irrigaverunt et ecclesiam dei in eis pro posse suo plantaverunt, que adhuc ab eorundem gentilium incurfu frequenter molestatur, Tertia pars ville prememorata ad luminaria tantum et ad reliqua custodie necessaria immutabiliter devolvenda est, due autem ad fratrum prebendas ampliandas. Quod ut immutabile similiter a suis posteris permaneat, hanc nobilium est illustrium virorum presentiam traxit in testimonium: Adelberti filii marchionis de Misene, comitis Friderici de Anvort, Walteri de Arnsten, Cunradi, filii burggravi Sifridi de Arneburg ex familia ipsius marchionis, Winrici, capellani, Hermanni, scriptoris, Kunonis, capellani. Sunt autem facta anno dominice incarnationis M^o. C^o. LXXX^o. VII^o., summum pontificium in sancta romana ecclesia regente Urbano III., regnante feliciter Friderico, Romanorum imperatore invictissimo, in metropoli Magdeburgensi Wigmanno archiepiscopo, in Brandenburg Balderammo episcopo, Hinrico existente preposito, Martino priore in eadem ecclesia.

Nach der Copie im alten Copialbuche. — In Gercken's Abdrucke, Stiftehistorie 380, heißt der Ort, von welchem die Urkunde handelt, immer Remoldestorp.

XXIX. Der Markgraf Otto II. schenkt dem Domcapitel den Zumeltsee bei Brandenburg und einen Theil der Havel 1187.

— Otto, dei gratia hujus nominis secundus marchio in Brandeburch — ecclesiam cathedralem beati Petri, principis apostolorum, in urbe Brandeburch a pie memorie rege Ottone fundatam et constructam, longo tempore dirutam et a paganis pene annullatam, deo auxiliante per Ottonem, marchionem in Brandeburch, patrem meum felicitis memorie, et alios principes quam plures redificatam modis omnibus, quantum divina michi prestat gratia, sublimare ac prepositi et canonicorum et eorum successorum ejusdem ecclesie juxta regulam beati Augustini in eadem ecclesia deo servientium tenuitati et inopie subuenire studeo, ut deo liberius militare valeant, et numerus Christianorum cum incremento rerum presentis et future felicitatis mei et meorum heredum et successorum omniumque Christi fidelium augeatur et ydolorum cultura magis evitetur, eiusdem ecclesie preposito, canonicis eorumque successoribus ad prebendas eorum ampliandas dono et proprio stagnum Zumit michi a Burchardo de Plozeke, qui ipsum a me in feudum tenuit, voluntarie resignatum nec non superiorem Obulam a Cosetzynre Obula a loco, qui dicitur Bisebusch, versus Cosetzyn